

中華書局

恥

言

徐楨稷纂

恥言一

徐禎稷纂禎稷字叔開號餘聲江南華亭人明萬歷辛丑科進士刑部主事歷四川按察司副使

恥言者家居談說偶識之簡者也言之未克行焉庸無恥乎存以備自省亦以示後人猶冀有能釋予恥者

或問士之爲學奚先餘齋曰其忠信乎夫子之教主忠信夫雖有庶美無主焉麗故堅壤宜構沉木宜雕餘齋曰道人也學所以爲人也倫外無道矣明倫以外無學矣

餘齋曰志道者其始於遏欲乎開奮者誅莽明鏡者刮翳夫學亦求其害身心者去之爾四勿三省淵輿所以弗畔也夫

餘齋曰清澹者崇德之基也憂勤者建業之本也古來無富貴之聖賢無宴逸之豪傑

餘齋曰士常使外不足而中有餘常使華不逮而實過之是道也以爲德則積以經業則立以行於世則遠

或問於餘齋曰爲善者必得天乎曰未也爲善者必得人乎曰未也夫爲善易積善難士之於善也微焉而不厭久焉而不倦幽隱無人知而不間招世之疾逢時之患而不變是故根諸心誠諸言行與時勉不責其功夫然後親友信之國人安之而鬼神格之也善積未至其曠能與於斯乎

餘齋曰事父母者莫善於順宜兄弟者莫善於讓故順孝之實也讓友之本也

餘齋曰榮華可燿而弗燿者其神全也目前可快而不快者其規遠也故喬木無艷花蘊火得久熱
餘齋曰論語者講學之祖乎言理不離人事言心不離天下性與天道之言蓋罕之也吾何敢言聖人所罕哉

餘齋曰政以一教也詞以著理也政不規於教故世無治矣詞不繩於理故世無文矣

餘齋曰爲今天下而不去其奢雖使周公制法召公宣政治之興無日也夫必奢去然後士大夫廉百姓務本而易足以廉士大夫御務本易足之百姓於王道乎何有

里人有故宅與匠師營之潦集於堂匠不顧曰易也病在瓦左室宇撓匠自牖瞞曰此病在棟易之耳而後有樓岑如也其體微欹匠乃周視列礎蹙頰曰不可爲也病在基或告餘齋曰忠信孝友是亦人之基已

餘齋曰有爲而不欲人知者其致力也必穀其進也必詣

餘齋曰食效不忘其本居名不兼其利天道也世有人焉迂而固或爭誹之餘齋曰無然古謂狂狷今所謂迂固也不忍雕折其性情以苟調於世故受斯名焉猶天地之真人也夫

市有鼎焉其質青碧觀者爭戶需價倍百餘齋曰是腐鼎也而貴若是士服古之道俗相詬爲腐也而棄之是兩惑也智者擇器不厭今擇道不厭古

餘齋曰爲論似迂久而見微者神其遠也始計若拙究弗受悔者識其深也崇晦府君有之或問簡餘齋曰無爲其所不爲簡矣

餘齋曰士有三不關毋與君子關名毋與小人關利毋與天地關巧

餘齋曰君子不以忍讓人或問何謂也曰惟君子也能忍人爲人所忍其人何如

餘齋曰謂我不信而諛我者戲我也謂我信而諛我者愚我也士不受人戲亦不受人愚問無端之毀忿可釋乎餘齋曰可曰何如曰奚傷問失意之境憂可解乎餘齋曰可曰何如曰無益

或曰語云國政易家政難何也餘齋曰疏任法親任化遠者易飾近者難欺

餘齋曰爲家者毋以偷眎子弟毋以奸習僮僕蔑禮便私所以眎偷也傷義爲利所以習奸也子弟偷而僮僕奸雖有家其享諸

餘齋曰常以骨肉之合睽徵人家之隆廢不失者十九矣故有子孫莫先教以睦夫均一則不妬有定分則不爭習之以禮讓明之以大義然後間言不入嗚呼堅石數仞楔則裂諸金堤百丈蟻則決諸骨肉之鑿肇於微成於積慎之哉

餘齋曰爲家者嚴非類倍於嚴寇盜賊財非類賊人財敗可再營人敗難爲也故狎交邪客子弟之賊三姑六婆中閨之賊於此不嚴惡乎用其嚴

餘齋曰家之失親也繇婦人者十有五故女子妻妾必令知大義則能贊仁讓和骨肉詩云之子于歸宜

其家人利用柔德調合一家婦道之正也。

或問居室之道奚尊。餘齋曰：其儉哉！儉以寡營可以立身，儉以善施可以濟人。

餘齋曰：人問先府君何以貽子孫？曰：無累。何以教子孫？曰：自立。故沒躬不殖生產。

餘齋曰：愛美材者，嫌刀斧之利乎？愛良金者，忌煅煉之猛乎？姑息之是狗，甘軟之與處，愛子弟乎？

餘齋曰：先見後慮，徹事終始，智之深者也。周詳持固，事成不瑕，才之真者也。躁猛自才，狡察自智，吾與也。

乎哉。

餘齋曰：均人也，而爲聖賢；爲仙佛，疇爲之心？心爲之也。故有聖賢心，則聖賢矣；有仙佛心，則仙佛矣。問聖賢

仙佛心何如？曰：眞如斯而已乎？曰：不已。眞則不已。

餘齋曰：先子常言：予觀人世久矣，天之報益尤速於其報惡也。夫處滿招悔，不必大戾爲德自盈，猶將傾之。

餘齋曰：人有言：天道妒名而疾盈，非妒名也。妒夫好名者，非疾盈也。疾夫怙盈者，故士名而不尸盈，而善持天其保之。

問佛教。餘齋曰：吾未之敢非也，而不敢從。曰：何居？曰：儒者有儒者之聖人焉，釋教有釋教之聖人焉。我儒之凡人也哉？以凡非聖則僭，以儒從釋則亂。曰：敢問儒與釋之所以異？曰：儒尚倫，釋棄倫。然則輪迴有諸？餘齋曰：聖人未之言也。或亦有之？形生而神麗焉，形與神敵則死，形盡而神不盡，則有輪

迺殆偶也。非常也。

餘齋曰。人治家業以貽後也。治家不治。守家之人。貽業不貽。保業之道。智乎哉。

餘齋曰。噫。積委以傳後。其醫之傳藥者乎。或曰。何謂也。曰。上醫傳道不傳方。下醫傳方不傳藥。醫家之子。不知道。又不知方。而又壅充舍。皆殺人之具也。

餘齋曰。先子言。范大夫異人也。天下事經措理。靡不奇快。但長子吝。少子汰。末如之何。意殖材而暮色。其躬之不範與。

道家鮑符曰。能禳不祥。餘齋曰。士有神符五。菑害斯遠矣。故慎禳疾。儉禳荒。怒禳怨。廉禳盜。損禳禍。之五符者。吾慕焉。求焉。奚以子之符爲。

餘齋曰。教之而信。必先有令人愛者。禁之而畏。必先有令人敬者。

餘齋曰。患芽而莫之省也。乘於所快乎。難發而莫之收也。中於所狃乎。諺曰。安臥揚帆。不見石灘。靠天多侍。白日入阱。

餘齋曰。士而多言。疾也。寡言。德也。尤慎四乘。夫乘怒而言。將無激。乘快而言。將無恣。乘醉而言。將無亂。乘密懼而言。將無盡。

餘齋曰。言之不祥者有五。揚人失者。鴟鴞之言乎。構人讐者。風波之言乎。成人過者。毒駁之言乎。證人隱者。鬼賊之言乎。傷人心者。兵刃之言乎。

志曰海南有樹叢陰翳巖析而薪之煙不上炎中春作葩煥若錯錦承露而敷日出卽殞土人見而翦之名曰翦樹餘齋曰人有材不益是用則如無材有文不垂世教則如弗文是翦樹之類也

餘齋曰遇顯者而容改貌恭也談媿行而色動心敬也士欲令人貌恭乎心敬乎

餘齋曰周禮朝後爲市市有門庶民入之公卿大夫入者罰之三代以後茲法湮矣然公卿大夫烏可不知此意

客問餘齋曰君子處世不辱其名文中子以無辯止謗謗固可受乎曰士人言忠信行篤敬久而孚焉一人謗之衆人不與也夫一喙辯謗則謗長衆不與謗謗容不止乎止謗之道不在辯也

餘齋曰曠達之足尚也以其中無俗韻乎沂浴雩風其人也攜色銜盃名曰淫湎不名曠達

餘齋曰有蠹之木堪荷棟乎有釁之舟堪濟遠乎利欲蠹之榮名釁之蓋人之堪任道者鮮矣

餘齋曰居室而不儉者有五奉先一也爲逝者治棺槨二也爲子弟敦師友三也疾求醫藥四也卹親舊周急乏五也亦稱其力焉而已矣

餘齋曰故家遺風在能存禮法不在不失體勢

餘齋曰曾皙之志幾於無欲矣人有才易無欲難無欲後可與知幾知幾後可與用世此行藏所以獨歸顏氏也以三子之才而曰不知其仁其未及者在斯乎

餘齋曰吾見仕宦而室不豐者寡矣吾見豐而不侈者寡矣顯不可常而習侈難反故世家之能保者寡

矣。

餘齋曰驟長之木必無堅理早熟之禾必無嘉實故爲士者遇不憚艱難將以貞吾骨成不嫌遲晚將以厚吾才

或問今天下用人之道奚先餘齋曰先絕二亥何謂二亥曰墨競請益曰自近始

餘齋曰學者能高衆也毋以勝人行標俗也毋以繩人免矣

餘齋曰禮以治身仁在其中矣禮以爲國法在其中矣

餘齋曰獨立之行不徇流俗然怨不可不恤也高義之事弗避小嫌然累不可不慮也

或問齊之霸不易代而晉以數世霸何與餘齋曰文公勝楚有憂色曰吾聞能以戰勝而安者其惟聖人乎斯數世之言也

餘齋曰方藥非所以養也然見方則識遇藥則儲懼夫疾而求之無及也國之於戎亦若斯矣或曰治敝國如治羸去瘍與火也勿盡餘齋曰凡事不可不毖始也至於藉瘍與火以立命悲夫士不幸處此謹養元氣以漸克焉幾可也

餘齋曰以乖和競讓徵人世之德怨以勤惰奢約兆人家之成敗以盈損慎肆卜人事之吉凶以仁刻厚薄推人福之悠促譬如望叢求爵循穴搜鼠不獲者蓋寡矣

餘齋曰士在世有以不用爲用者國家待士有以不用用之者

餘齊曰。世人謂行義者其好名也。勤施者其干福也。語云。若避好名之嫌。則絕爲善之路矣。吾亦曰。若避干福之嫌。則絕濟物之路矣。

餘齊曰。易責人而樂譏俗。其亦弗思也已。夫己無遺行。後可責人家。罔闕事。後可譏俗。古人有言。吾暇乎哉。

餘齊曰。制政所以爲民也。古者之政。莫詳于民事。蓋田里農桑以逮市事爲官。官爲法。旦課而暮稽焉。

故名各得而奸不生。今壹廢之。末政繁而本政墮矣。欲善治。其得諸。

餘齊曰。居官一介不取。易一介不與。難然未能一介不與。而曰我能一介不取者。未之信也。

餘齊曰。忍飢寒以厲操。難不匱衣食而無苟得。易故節勤者。養廉尚志之一助。非欲致贍。

餘齊曰。救荒無奇策。奇策不救荒。或未達。曰。救焚無奇策。奇策不救焚。故曲突無燎災。預備無荒年。若請足民。軻陳王道。救在平日。不救在荒。斯荒策之特奇者。

餘齋風於巴江。長年馭舟簸浪。色也夷然。餘齋問曰。子何巧。而能靜也。對曰。小人與是舟周旋。風濤二紀矣。夫風性也。江性也。舟之性也。心皆識之。而身皆習之。識故弗疑。習故弗驚。吾何巧乎。亦何知吾靜乎。餘齋瞿然識之。

城南饒花圃。餘齋觀焉。其樹靡不端秀者。餘齋曰。奚而能若是也。圃之人對曰。木始生甚柔。久則漸剛。吾及未剛也。繩之而直。規之而圓。經緯之而勻。若一其性。不傷而成。不覺故能若是也。又東鄰有造萬

於西鄰幾半曰種異乎對曰非也東家治菊必選花工之勤良者使之主人身親董焉西家任不擇人主多他故莫恒省也餘齋瞿然曰吾聞言於場師識教術焉

餘齋曰仁生理也故卉木實中之含生者命之仁實卽誠也物之終始也故卉木之既結而又傳生者命之實

或問使貪使詐餘齋曰能制之謂也不能制而用之是爲貪詐使也

餘齋曰講學者將以爲也謀途者將以至也至必有自故人出戶先識鄉井行鄉井者行天下之道也車馬戒餚糧乃試之邦國以達乎天下超海踰漠本無定程焉用懸揣以待諸能者今與童子坐室中遙數廣輿亟亟焉辨瑤池何以駕弱水何以梁自喜美聽實無行心出閭百步賈眩南北此問途者之過也亦指途者之過也

崇晦翁揭二語中堂曰聖賢詩書總是義利之辨宇宙事業不過物我之平餘齋曰天德王道言約而盡矣

餘齋曰先府君言士大夫常有五蔽揚名慕榮進榮進羶者毀其名尊生厚享受享受過者伐其生怡神寄玩賞玩賞侈者擗其神給事養僮僕僮僕繁者生其事裕後求田舍田舍廣者累其後故全名存乎止足保身存乎惜福養性存乎寡欲省事存乎簡樸傳家存乎貽穀

浮屠氏日誦經爲人禱福或曰何爲己不如爲人也餘齋曰不然夫福虛也而精實也以虛福易實精是

爲人不如爲己也。或曰：今若此者，獨浮屠氏乎？餘齋不答。

或問曰：爲多營而善逐乎？毋寧懶矣。爲柔附而媚容乎？毋寧傲矣。何如？餘齋曰：營媚者，中人所羞；懶傲者，名士所託。宜有間也。雖然，託其名耳。士處季世，謹乎無容，將見懶焉；嶧乎不撓，將見傲焉。非其實也。夫懶與傲，德之貳也；禍患之藪也。如之何其可居也。

餘齋曰：方壺府君不薦師醫，亦不輕聽人薦。曰：「師醫者，興替死生之所係也。」

餘齋曰：實二而名一，則名立而不毀矣。行五而言三，則言出而寡尤矣。斯之謂有餘地。

餘齋曰：望焉而羨，至焉則厭。計日以期，涉艱不倦。嗜榮者之情，與得罔遙大，取罔遺小，樂可忘疲，多莫知。

飽積賄者之情，與以嗜榮之心嗜學，以積賄之心積善，聖賢其遠哉！涑水有言：「如轉戶樞，在我而已。」餘齋曰：論言於三代之下，不能不賞偏至者；論行於三代之下，不能不予以獨往者。若仇世以決志，矯心而赴名，則姑舍是。

餘齋曰：有家者莫患乎昧大體而聽小言。夫覩啓於背語，而禍烈於傳構。若結婦妾之口，銅僕婢之唇，宜家將過半矣。

餘齋曰：成事有三戒。氣勝者，儻神浮者，疎言多者，力不摯。大公以爲見，氣不期而平矣；遠就以爲謀，神不期而斂矣；踐實以爲功，言不期而括矣。故君子有不爲，爲必成，有不成，成必固。

餘齋曰：諺云：「夜不號，捕鼠貓。」故當幾者勿露。又云：「未雨轟轟，戽車莫停。」故成事者後言。

餘齋曰。肯月之倫。無忘親厚而已矣。無忘也者。雖遇橫逆。猶是也。弘而忍之。之謂讓。曲而聯之。之謂仁。潛移而默成之。之謂聖。較則怨。怨則離。雖曲不自我。等之乎不祥。語曰。夫妻交市。莫問誰益。兄弟交憎。莫問誰直。此之謂也。

餘齋曰。爲佳祖父。作子孫。可幸亦可懼也。巴山木難爲良。冀野駒難爲強。不克恢崇令緒。豈宜落寞前修也。

餘齋曰。稷也。聞之先子鶴田府君之行也。所難及者三焉。勤施多濟。而無德色。里仇侵之。訟則克。而未嘗先發一難。不習詩書。而秉禮裁義。揆諸古則。斤斤如也。

餘齋曰。方壺府君有故人。語羨富貴。府君謂之曰。君能求我富貴。何有其人。愕然請問。曰。觀君飯蔬而裝布。飽煖匪乏矣。彼披錦列鼎者。於飽煖有加乎。然形孰與君逸。心孰與君閒。則君於富貴有餘矣。吾故欲君反求其真我也。友人慚然稱善。

餘齋曰。名諫者。忠之賊也。因他人之過。以市名長厚者。不爲矧君父乎。

餘齋曰。德高者歸言。高者達才。高者雄。色高者窮。節高者服。氣高者僇。故士崇其德而訥其言。豐其才而鋤其色。勵其節而平其氣。故能成天下之大美。

客揮越扇。其金爍然。或曰。今市善匱。試涅以膏。迫以火。苟非真者。將黯焉以渝。餘齋嘆曰。吾於試金得試人人焉。夫光華其表。而爍然於世者。非鮮也。利涅之而弗昏。勢迫之而弗變。乃可信其真矣。

餘齋曰常以除之晚侍先府君爐炭初燃童子鼓鑊先君曰止少焉亦黑漸半數舉箸抑其餚夜既久充爐亦盡白埃蒙生矣先君顧曰吾向抑之者懼斯象之早見也小子識之無揚燎薪之火速盡無益欵器之水速傾。

餘齋曰莊生有言百里奚爵祿不入於心故飯牛而肥獸牧猶然矧伊民牧今士潛而學遇而行爵祿之外靡措心者民之瘠宜哉。

餘齋曰人有能易居所能難不以能市利士也乎哉不以能市名聖賢也乎哉。

或問敬事餘齋曰毋忽而已矣事無小而可易也幾無微而可玩也故慎以慮始毅以圖終豫以備卒簡以寡累密以杜釁諺曰若欲不忙淺水深防若欲無傷小怪大禳毋忽之謂也。

餘齋曰以囂禦囂助其波也以薄報薄分其過也。

餘齋曰四六興於偏朝乎其言纖且浮夫對上之文宜謹以達命臣之文宜簡以制。

餘齋曰爲人日多暇其生平當無過人者爲人日無暇其生平當無過人者方壺府君常誦之。

餘齋曰琢福之刃莫銛于恃保世之石莫良于戒。

餘齋曰士之居身也有廉隅無鉅角其於世也有儀範無標幟故道方而不乖風操可宗而世不嫉。

問割股孝乎餘齋曰未可知也急親者忘身事名者虧體故君子勿禁也亦勿賞。

餘齋曰逐末遊食多於耕夫隸僕優娼多於良戶麗靡之物多於布粟邪淫之書多於經史俗何由而美。

治何由而興乎。

餘齊曰。強不可得衆。而弱者得之。以獨強。以衆強。孰勝巧不可得天。而誠者得之。以人巧。以天巧。疇獲。問朋友有過。當盡言。與餘齊曰。然在巽辭。在擇人。夫不可與交者。弗與言也。不可與言者。弗與交也。

餘齊曰。才子弟。制其愛。毋弛其誨。故不以驕敗。不肖子弟。嚴其誨。毋薄其愛。故不以怨離。

餘齊曰。馬異視力。人異視識。或與羣野豎共席。饌肝炙江鰐。鱗味美而饒骨。羣豎競炙。顧食鱗者黨笑之。食鱗者報焉。輶箸易牙聞之。曰。野人何識。吾怪夫輶箸者。今夫貧約。佳事也。忍讓善道也。佳事而慚之。善道而恠焉。其猶野豎之識也夫。

餘齊曰。形用乃習。神用乃生。故多暇之心。涉事即煩。久逸之身。當勞即困。

餘齊曰。家有大不祥。嗜言利者當之。利風中於家庭。城氣入矣。市道行於骨肉。殘形成矣。或曰。然則廢治生與。曰。君子之室。男女上下勤生而分業。食服吉凶。稱家而尊儉。生可使足也。烏在其言利也。

餘齊曰。世家子弟。戒四恃。絕六惡。四恃者。財足以豪勢。足以逞門第。足以矜小才。足以先人緣。茲四恃。遂

生六惡。曰奢。曰淫。曰懶。曰傲。曰剛狠。曰浮薄。

或問餘齊曰。吾子斥異教。將其語盡非與。曰。何爲其然也。吾在都見僧瞑趺將化。坐客乞言。僧舉目曰。老衲去來自如。祇爲無事在心。無累在世。且舉淡之一言。留贈賢輩。又有以道術療人疾者。衣敝莫理。問之。應曰。何暇心及此。斯二語者。吾識之矣。

或問知過易改過難何也餘齋曰貪酒者耐醉多欲者耐過心之容過其必有不能割者也書稱不吝孔言勿憚夫清客之源絕憚之根其在寡欲乎

杏壇之陽有夫子榆焉獨榦無枝葉生理在內古今猶是也餘齋俯而拜仰而嘆曰覩茲象教覺六經之爲煩

餘齋曰宇宙經德爲元氣元氣強則靈秀神奇咸攝於正使其橫出而旁結者元氣不足以主也故王維失御雄俊託身於盜哉聖緒不昭聰智委心於釋老

餘齋曰寶鑑不韜光無澁乎操矛日刺銳無刓乎羣僮市嬉數呵不威無反侮乎故君子善藏明武時而用之

餘齋曰能剛者勇乎柔以爲剛者智乎剛柔以宜者義乎義勇爲上動莫與膺智勇次之事靡不成徒勇斯下自與禍并

餘齋曰養正氣者無愧於神斯不詭若執意慢神是客氣也神得禍之矣抱淳德者無求於世斯不屈若抗心傲世是薄德也世將戮之矣

或問史遷稱西伯陰行善何與餘齋曰文王之德默而成也深深乎其不可窺順帝配命而不存乎聲色故曰穆穆文王孔贊明夷周稱不顯凡雅詩之歌咏文德者靡不有深微之意焉孔門德之則謂之闡闡也者其陰之義也夫

餘齋曰。孔子之學。祖堯舜而宗文王。仕止久遠。蓋得之執中。下學莫知。蓋得之不顯。中庸首言中。而卒乎不顯也。於乎。聖人之學備矣。

或問晦翁釋詩。以不顯爲顯。如子言。得無異乎。餘齋曰。此漢疏失義。晦翁未之正也。詩象文德。每言不顯。維天配言。於於穆烈文義存乎篤恭。而亦臨之語言尤較白。吾聞之也。信經者不必膠傳。惜無從起晦翁而質焉。

餘齋曰。疾之條累百。繇食者多刑。之條亦累百。繇賄者多故。節嗜者衛生之經。篤利者危身之本。或曰。與君子言義。與庸人言命。何如。餘齋曰。不然。與君子參言命。與庸人耑言義。夫幽而難齊者。命也。貪而善倖者。人情也。故淑慝以號之。是非以表之。猶懼弗率焉。若知命而安者。非君子疇克然。

餘齋曰。易者弗久。難者克終。天人之道也。故事不可易。成名不可易。得福不可易。享。

餘齋曰。士貴絕所無益。而審所有益。問。何謂絕無益。曰。學無益。勿習也。言無益。勿道也。事無益。勿爲也。人無益。勿與也。物無益。勿好也。何謂審有益。曰。或益於德。或益於身。或益於家。或益於世。夫益於德。無弗務其三者。益此或以損彼。是以義審之。

餘齋曰。今禮教之墮也。莫甚於不行三年之喪矣。行三年之喪者。素冠縗服云乎哉。

恥言二

或問程氏言孔顏樂處可得尋與。餘齋曰可不愧於天不怍於人循此尋之遠乎哉。

餘齋曰德莫盛於讓道莫高於晦不與世爭勢利之事易不以身居美善之名難。

餘齋曰語云事無全遂物不兩興故天地之間必有缺陷夫明者不務求全其所可缺者恐致損其所不可缺者。

餘齋曰方壺府君有言士貧以當貴儉以當富或未達曰士處今之俗而免於侵陵恥辱者其貴乎不然其貧乎而免於竊迫求貨者其富乎不然其儉乎。

餘齋曰恩慎其可繼也威慎其可伸也不繼之恩獲得怨焉不伸之威獲得悔焉。

餘齋曰犯而不較其德弘也委蛇而全其用遠也故仁者能容智者能忍。

餘齋曰人有我心故佛老之說得而惑之儒者之道以天地萬物爲心而已矣。

餘齋曰人不有所舍也必無所成是故舍無益者而成有益者舍暫且小者而成久大者則識於是乎尊矣。

餘齋曰有才者不可無識也無識者不可有才也夫才騁之則多事矜之則多怨恃之則多禍。

餘齋曰道公私而已矣王公霸私聖人公佛老私君子所難純私者世情所易入聖學王道吾惡從